



Gísli Jónsson

Bjarni Benediktsson – Gísli Jónsson – Bergur Jónsson – Jón Kjartansson – Sjálfstæðisfélagið Skjöldur

Tekið af vef Borgarskjalasafnsins

bjarnibenediktsson.is

Einkaskjalasafn nr. 360
Stjórnmalamaðurinn
Askja 2-6, Örk 2

©Borgarskjalasafn Reykjavíkur



Shrimps and Canning factory
Fishmeal and Herring factory

Head-office:
Bárugata 2
Reykjavík
Iceland

Telephones:
Office 2884
Private 4084

Telegrams:
Inspector
Reykjavík

Codes:
Boe-code
Bentleys

Gísli Jónsson

Bárugata 2, Reykjavík
Iceland

Maron Ltd., Bildudal

Export: All kind of fish production
Import: General goods, coal and salt

Offices:
Bildudal
Iceland

Telephones:
Office 12
Factory 16
Private 11

Telegrams:
Maron
Bildudal

Reykjavík, 9. nóvember 1939

Hr. prófessor Bjarni Benediktsson
Reykjavík.

Hjálagt sendi ég yður afrit af bréfi til Miðstjórnar Sjálfstæðisflokksins, svo að þér hafið haft tækifæri til þess að athuga málið áður en það er lagt fyrir Miðstjórnarfund, og vænti ég þess að þér, vegna Sjálfstæðisflokksins í heild sinni, ljáið því lið, að málið verði afgreitt fljótlega eins og flokknum sjálfum yrði mestur sómi af.

Virðingarfyllst,

Gísli Jónsson

Reykjavík, 9. Nóvember 1939

Eins og alkunnugt er, réðist ég í það á síðastliðnu ári, að kaupa Bíldudalseignina, og koma þar á fót atvinnufyrirtækjum í stórum stíl, sumpart til þess að bjarga staðnum frá því ófremdar ástandi í atvinnumálum, sem hann þá var kominn í, þar sem að íbúarnir þar voru orðnir beinlínis byrði á ríkissjóði, og sumpart til þess að vekja, ef unt væri, áhuga annara manna til þess að veita fé sínu yfir í atvinnufyrirtæki almennt, ef með þessari tilraun væri unt að sýna fram á, að þrátt fyrir allskonar örðugleika og fjötra, sttu íslenskar atvinnugreinar sér enn uppreisnar von í landinu.

Þrátt fyrir takmarkalaus og óskiljanlega andstöðu fyrverandi ríkisstjórnar og Framsóknarflokksins í heild, og þó einkum þingmanns kjördæmisins, hr. BergsJónssonar, hefir sá árangur náðst, að hin fyrirhuguðu fyrirtæki eru þegar öll komin á fót, og hafa skapað útflutningsverðmæti á þessu ári fyrir kr. 300.000,00, og greitt í vinnulaun á sjó og landi síðan viðreisnin hófst, yfir kr. 200.000,00, enda hefir staðurinn blómgastr svo, að þar hefur hver maður síðan haft atvinnu vetur og sumar. Auk þess hefur verið greitt til ríkissjóðs í beinum tollum og sköttum á sama tíma, sumpart vegna viðreisnarinnar og sumpart í útflutningsgjöldum af framleiðslunni um kr. 30.000,00.

Fyrir þessi störf mín ræðst "Tíminn", Stjórnálablað Framsóknar-
manna, á mig persónulega þann 14. og 21. f.m., og taldi ég ekki rétt
að þegja við þessari árás, hvorki vegna atvinnufyrirtækjanna sjálfra
eða vegna flokkshagsmuna Sjálfstæðismanna í sýslunni.

Sendi ég því til "Morgunblaðsins" upphaf af greinaflokki, þar
sem sýnt var fram á hina merkilegu framkomu þingmannsins og Framsóknar-
flokksins í þessu framfararmáli, og bað blaðið fyrir birtingu greinar-
innar með svohljóðandi bréfi:

Reykjavík 23./10. 1939

Hr. ritstjóri Jón Kjartansson,
Reykjavík.

Í tilefni af grein í 2 tölublöðum "Tímans", 14. og 21. þ.m., leyfi
ég mér hér með að fara þess á leit, að þér birtið fyrir mig svar í blöðum
yðar, "Morgunblaðinu" og "Ísafold", svo að það nái eyrum kjósenda
Sjálfstæðisflokksins í Barðastrandarsýslu.

Sendi ég yður hér með upphaf greinarinnar, og skal um leið leyfa
mér að taka það fram, að þetta mun verða nokkuð langur greinaflokkur,
þar sem ég tel nauðsynlegt að taka öll þau atriði, sem að þessu máli
lúta, til rakilegrar íhugunar.

Vanta Sjálfstæðismenn í sýslunni, að ég láti takiferið ekki ónotað
til þess að svara hverju því máli, sem fram kemur í andstæðingablöðunum
um flokkinn eða framkvæmdir mínar í sýslunni.

Virðingarfyllt,

Að kveldi hins 25. október sendir blaðið mér próförk af þeim hluta
greinarinnar, sem kom út í blaðinu næsta dag, og gerir þá engar athuga-
semdir við birtingu greinarinnar, en þegar blaðið birtir hana næsta dag,
hefir það, að mér forspurðum, leyft sér að setja fyrir framan hana eftir-

fárandi athugasemd undirskrifaða af ritstjóranum:

"Gísli Jónsson, vélstjóri, hefir beðið "Morgunblaðið" fyrir eftirfarandi grein. Hér um daginn sagði hann á Varðarfundinum hinar fátánlegustu sögur um blaðið, sem ólíklegt er að hann sjálfur hafi lagt trúnað á, hvað þá aðrir en sögumaðurinn sjálfur." Ritstj.

Út af þessu striði sendi ég ritstjóranum samstundis svohljóðandi bréf:

Reykjavík, 26./10. 1939

Hr. Ritstjóri Jón Kjartansson,
Reykjavík,

Með athugasemd yðar við grein mína, sem þér birtið í "Morgunblaðinu" í dag án minnar vitundar, þar sem þér ekki létuð hana fylgja með í próf-örkinni, er þér senduð mér hana í gærkvöldi, lít ég svo á, að þér með þessu, hafið tekið sterkari og ódrengilegri andstöðu gagnvart mér og Sjálfstæðisflokknum í Barðastrandasýslu, en róttækustu andstæðingar hans.

Fyrir það bið ég yður góðfúslega að birta ekki frekara framhald greinarinnar, heldur endursenda mér framhaldið.

Virðingarfyllt,

Eftir móttöku þessa bréfs, er það upplýst og viðurkennt af blaðinu, að hr. ritstjóri Jón Kjartansson átti engan þátt í athugasemdinni, en að hún er sett inn af hr. ritstjóra Valtýr Stefánssyni, að hr. Jóni Kjartanssyni óafvitandi og því eingöngu á hans ábyrgð.

Það hefir komið fram síðar, sem eðlilegt er, að Framsóknarmenn og þingmaður kjördæmisins hafa einmitt notað sér þessa framkomu "Morgunblaðs"-ins til þess að ráðast enn meira á mig persónulega, þar sem þeir var

ljóst, að það væri ókleift fyrir mig að svara þeim árásum, fyrr en að þetta mál hefði verið gert upp að fullu innbyrðis í Sjálfstæðisflokknum,

Mér stóð að vísu opin leið til þess að taka málið upp í dagbl.

"Vísir", en sú aðgerð hefði óhjákvæmlega orðið til þess að deila fyrst og fremst opinberlega á "Morgunblaðið", fyrir hina merkilegu framkomu sína, og það taldi ég á engan hátt heppilegt, að flokksmenn stæðu í opinberum deilum um sín eigin mál, og því hefi ég kosið að fara ekki þá leið, heldur að snúa mér til Miðstjórnar Sjálfstæðisflokksins um uppgjör á málinu.

Ég tel að ummæli þau, sem ég hafði á Varðarfundum í sambandi við "Morgunblaðið", hafi verið sett fram meðal flokksmanna, og það hafi verið algerlega óviðeigandi og ósæmandi af "Morgunblaðinu" að notfæra sér þau jafn ódrengilega og jafn lymskulega, eins og það hefir gert, ekki einasta á mig persónulega, heldur einnig á flokksstarfseminu í kjördæminu. Því leyfi ég mér hérmeð að krefjast þess af háttvirtri Miðstjórn, að hún nú þegar taki mál þetta til athugunar, og felli um það úrskurð, hvort það skuli látið óátalið, að aðal mál gagn Sjálfstæðisflokksins lýsi þannig einn af frambjóðendum flokksins opinberlega ósannindamann, til þess með því, að styrkja pólitíska andstæðinga hans í kjördæminu, og ef það, móti von minni, skyldi af Miðstjórninni vera talið viðeigandi, hvort ekki sé þá rétt að gera þegar ráðstafanir til þess að einhver annar maður fari þar fram næst, af hálfu Sjálfstæðisflokksins.

Mér er það ljóst, að baráttan fyrir flokksmálum um land allt, hefur við svo mikla erfiðleika að stríða, að það má teljast óverjandi, að flokksstarfsemin sé veikt, með slíkri framkomu annars aðal mál gagns flokksins, eins og hér hefir átt sér stað. Enda vil ég leyfa mér að taka það fram, að það er ekki einungis Sjálfstæðismenn í Barðastrandarsýslu, heldur einnig stór hópur Sjálfstæðismanna í Reykjavík, sem bíður eftir því, hvaða afgreiðslu þetta mál fær hjá Miðstjórninni.

Ég mun að sjálfsögðu beygja mig undir hvern þann dóm, sem innan Miðstjórnar og flokksráðs verður feldur á mig út af ummælum mínum á Varðarfund, þegar þau ummæli eru lögð fram rétt og óbreytt og eftir að mér hefir verið gefinn kostur á að gera grein þar fyrir mínu máli. En ég hlýt, með tilvísun til þess, sem að framan er skráð, að krefjast þess, að hin háttvirta Miðstjórn taki þetta mál nú þegar til athugunar, og láti ganga um það þann úrskurð, bæði á hendur mér og Morgunblaðinu, sem hún telur réttlátan og sæmandi fyrir Sjálfstæðisflokkinn.

Sjálfur háttvirtum atvinnumálaráðherra er fullkunnugt um þá nauðsyn, sem nú er á því, að þegnar Þjóðfélagsins geri skyldu sína um að auka útflutning landsmanna og efla atvinnulífið í landinu. Því þykir mér merkilegt, ef það hann, sem jafnframt er formaður Sjálfstæðisflokksins getur látið það afskiptalaust, að aðal mál gagn Sjálfstæðisflokksins haldist uppi að gera óverðugar árásir á fram-þjóðanda flokksins, sem samtímis verður þá til þess, að andstæðingunum haldist uppi að níða niður þau fyrirtæki, sem að framan hefir verið minnst á, og setja fótinn fyrir þau á allan hátt.

Rétt í þessu hefi ég meðtekið afrit af bréfi til ritstjórnar "Morgunblaðsins" frá Sjálfstæðisfélaginu "Skjöldur" á Patreksfirði, og leyfi ég mér að láta fylgja til yðar afrit af þessu bréfi.

Vænti að móttaka heiðrað svar Miðstjórnarinnar um afgreiðslu þessa máls, sem allra fyrst.

Virðingarfyllt,

111

Miðstjórnar Sjálfstæðisflokksins í Reykjavík.

Fatreksfirði, 12. Nóv. 1939

Ritstjórn Morgunblaðsins,
Reykjavík.

Undrandi lásum við athugasemd yðar við grein herra Gísla Jónssonar er út kom í Morgunblaðinu 26/10. síðastliðinn.

Umsæli þau, sem þér segið að herra Gíslí Jónsson hafi um hönd haft á nefndum Varðarfundí eru okkur að sjálfsögðu ókunn. Væri okkur því kært, ef þér vilduð gjöra okkur þann greiða að skýra okkur bréfléga frá þeim vanaæðum, er á ofangreindum fundi hafa verið borin á blað yðar.

Frá þeim tíma, er Bergur Jónsson feldi Hr. Hákon Kristófersson hér í Barðastrandasýslu hefír ekki verið gjört mikið til þess að reyna að vinna hana aftur. Framboð hafa ekki verið ákveðin nema 3 - 4 vikum fyrir kostningar, og þá sinn maðurinn í hvort skifti. Á þessari bardagaaðferð vorum við Öngu orðnir þreyttir, og vildum, væri þess kostur, fá harðann mann á móti herra Bergi Jónssyni. Þessi mögulegleiki skapaðist við það, er herra Gíslí Jónsson vildi beita orku sinni fyrir málefnum flokksins hér. Að fá framboð hans komið í gegn var ekki erfiðleikalaust, Barðist foringi flokksins með þó nokkuri hörku á móti framboði herra G.J. Stóð honum á sama, hver fram færi í sýslunni frá flokknum annar en Gíslí Jónsson. Lýsir það ekki beint miklum áhuga fyrir auknu fylgi flokksins hér. Við vorum þeirrar skoðunar, að þegar fyrir löngu væru öll kurl þessu máli viðvíkjandi til grafar komin en Önnur sýnist reyndin þar sem Morgunblaðið básúnar það nú opinberlega út um allar landsbygðir, að tepast muni framþjóðandi okkar sjálfur taka mark orða sinna, hvað þá heldur aðrir.

Að endingu viljum við hérmeð lýsa því yfir að á meðan herra Gíslí Jónsson vill vera í framboði fyrir Sjálfstæðisflokkinn hér í Barðastrandasýslu munum við fylgja honum fram með meiri festu en nokkrum öðrum framþjóðenda og þrum þess jafnframt fullvissir, að ef Sjálfstæðisflokkurinn hefði áððeins umráð yfir tíu alíkum framþjóðendum í vafakjörðæsum landsins sem honum, væri flokknum enginn þörf að vera taglhnýtingur vinstri flokkanna.

Virðingarfyllst,
Stjórn Sjálfstæðisfélagsins Skjöldur.